

書名 皇明文衡一百
卷 正德五年
序刊本
撰者 明 程敏政 輯
明 范震、李文
會 校

卷 卷六十九
內容分類 集 總集 各代 明

索書號 大木-集部-總集類-30
編號 D7861500

彩色首頁1

東洋文化研究所漢籍目錄 編號: D7861500


東洋文化研究所漢籍目錄所藏漢籍善本文影像資料庫 索書號: 大木-集部-總集類

30 漢籍善本文影像資料庫文本 皇明文衡一百卷 正德五年序刊本

版權所有: 東京大學 東洋文化研究所

使用上的注意事項

卷六十九



皇明文衡卷之一

代言檄

原檄




翰林院學士新安程敏政選編
鄉進士國子監助教永康范震校正
賜進士應天府儒學教授郊鄧李文會重校

宋濂



自古帝王御天下中國居內以制夷狄夷狄居外以奉中
未聞以自宋祚傾移元以北狄入主中國
狄治天下也自宋祚傾移元以北狄入主中國
不臣服此豈人力實乃天授然達人志士尚有
美自是以後元之臣子不遵祖訓廢壞綱常有
如大德廢長立幼泰定以臣弑君天曆以弟醜兄至於弟技





皇明文衡卷之六十九

神道碑

大明追封揚王神道碑銘有序

宋濂

皇帝恭膺大寶式展孝思既追崇

祖宗四代帝號建立

太廟復念

於
皇太后之所自出追封外王父為揚王外王母為揚王夫人建祠

於
太廟之東歲時遣重臣致祭近有來自淮陰者言王墓在盱眙如

故
上聞之悲喜交集節詔內臣及園丘署令往祭而修治之宣灑掃
之戶凡三護視坐域且命詞臣撰文以樹諸神道臣濂伏讀

御製王之行若曰王姓陳氏世為維揚人不知其諱當宋之季名
隸尺籍伍符中從大將張世傑扈從祥興帝駐南海至元己卯春
世傑與元兵戰師大潰士卒多溺死王舟亦為風所破幸脫死達
岸與一二同行者累石支破釜煮遺糧以療飢已而糧絕計無所
出同行者曰我等自分必死聞鬪牖山有死馬共烹食之縱死亦
得為飽鬼不識可乎王未及行疲極輒晝睡夢一白衣人來謂王
曰汝慎勿食馬肉今夜有舟來共載也王以為偶然未之深信俄
又夢如初至夜將半夢中髣髴聞櫓聲有衣紫衣者以杖觸王之
胯曰舟至矣奈何不起王驚寤身在舟上見舊所事統領官時統
領已降於元將元將畏舟壓凡有來附者擲棄水中統領憐王亟
藏之艙板下日取乾餼從板隙投之王掬以食獲王之渴乃與王
約以足撼板王即張口向隙受漿居數日事洩皆傍徨不自安忽
颶風吹舟盤旋如轉輪久不能進元將大恐禱求於禁所者不可
得統領知王能巫術遂白而出之王仰天叩齒若指麾鬼神狀風
濤頓息元將喜因飲食之至通州賚王數鉅魚送之登岸王歸維
揚不樂為軍伍避去盱眙津里鎮擇地而居以巫術行王無子生
二女長適李氏次即

皇太后晚以季氏長子為後年九十九歲而薨遂葬焉今墓是已
臣濂聞之君子之制行能感於人固難而能通於神明為尤難今
當患難危急之時神假夢寐挾之以升舟非其精誠上通於天何
以致神人之祐至於斯也王之羣行其詳雖若不可知舉此而推
之則積德之深厚斷可信矣是宜慶鍾 聖女誕育
皇上以啓

大明億萬年無疆之基於乎盛哉昔者史臣贊堯之德首以親九

皇明文徵卷之九
族為言其效至於黎民於變時雍之盛然九族之中母族居其三
皇上以念母之故思王不能忘封以王爵享以祠廟今又樹碑墓
道以紀其異行是皆以孝治天下也將見四方嚮風咸知以孝自
勉皞皞熙熙以致隆平之治不難矣臣濂旣序其事復再拜稽首
而獻銘曰

皇帝建國克展孝思疏封母族自親而推錫爵維揚地邇

帝畿立廟崇祀玄冕衮衣痛念宅兆卜之何墟間師來告今在朕
眎

皇情悅豫繼以涕洟即詔禮官汝往葺治母俾覽豎軌踉以嬉惟
我揚王昔隸戎麾桴風蕩海糧絕阻飢天有顯相勞瘁紫衣挾以
登舟神力所持易死為生壽躋期願積累深長未究厥施乃毓
聖女成衍

支離圖肇開鴻祥我魏日照月臨風行震馳自流徂源功亦有
歸無德弗酬典禮可稽聿以化原扶植政基以廣孝治以惇民彝
津里之鎮王靈所依於昭焉年視此銘詩

大明勅賜銀青榮祿大夫上柱國中書平章軍國重事兼
太子少保鄂國常公贈翊運推誠宣德靖遠功臣開府儀
同三司上柱國太保中書右丞相追封開平王謚忠武神
道碑銘有序

洪武二年己酉秋七月七日銀青榮祿大夫上柱國中書平章軍
國重事兼太子少保鄂國常公薨于軍中二十三日訃聞

皇上為之震悼罷朝在庭之臣莫不灑泣越明日詔中書定議
贈翊運推誠宣德靖遠功臣開府儀同三司上柱國太保中書右
丞相追封開平王謚曰忠武八月朔日柩車至龍江

上往臨奠慟哭而還親為擇地鍾山草堂之原營建宅兆及棲
靈之祠凡百須之具一給於官不以煩其家至冬十月九日始葬
復推恩及其三代皆為王爵生榮死哀可謂至矣

上猶念其功不實召臣廉于庭而謂之曰朕東撫高麗西抵吐蕃
北際沙漠南來交趾占城莫不稽首奉命計其開拓之功以十分
而言王蓋居其七八朕今手錄戰伐次第以授爾尚為文勒諸豐
碑以著王之功於無窮焉臣廉受 詔而退謹再拜序而銘諸幽
王諱遇春姓常氏濠州懷遠人世為農家賦性剛毅膂力絕人歲
壬辰羣雄竝起江淮為之鼎沸時王年二十有三為羣盜劉聚所
得聚觀王狀貌奇偉拔於行伍而信任之王每出戰必鼓舞爭先
聚深喜之王祭聚所為終不能有成欲擇所依乙未聞
止駐兵和州領眾數十人棄聚來歸居兩月餘請為前部先鋒

上曰爾之來者為士卒糧絕故就食耳爾自有主我安得而留之
王請之再三至於涕泣

上曰爾姑從吾渡江俟克太平委身事吾未晚也夏六月

上先抵采石磯元兵陣於磯上而磯下巨舟如織相距僅三丈餘
猝難登岸王乘快舸相繼而至

上麾之使前王即捨舟挺戈先登眾皆披靡遂拔采石乘勝取太
平從

上守禦乃始授總管府先鋒冬十月陞管軍總管丙申春二月元
中丞蠻子海牙復以兵屯采石南北不通

上慮將士雖渡江而其父母妻孥尚留淮西勢莫可致命王統兵
攻之王至設疑兵以分其勢而以正兵與之合及戰別出奇兵擣
敗之悉俘其精銳自是元兵扼江之勢衰矣尋守溧陽攻建康功

為諸將先三月從今大將軍右丞相徐公達克鎮江夏四月授承
信校尉領軍先鋒秋九月再攻常州會有軍叛去與僞吳張士誠
合徐公被圍於牛塘王與諸將力戰大敗其眾擒士誠梟將張將
軍夕十有一月除統軍大元帥丁酉春三月遂克常州遷中翼大
元帥夏四月從徐公下寧國秋八月克馬駝沙冬十月取池州戊
戌春擢江南行中書省都督馬步水軍大元帥冬十有一月
上親取婺州己亥夏四月轉鎮國上將軍同僉書江南等處行樞
密院事守婺城尋命攻衢州降之冬十月陞僉院十有二月攻杭
州庚子夏五月召還京師從徐公援安慶趙普勝之水寨時僞漢
陳友諒揚言拔安慶王策其必攻池州以羸弱守城伏銳士於九
華山明日友諒兵果來攻城伏兵四合俘殺萬餘人六月友諒入
太平犯龍灣王共謀擊敗之已而

上整舟師襲友諒留王守京師軍民無訖諱辛丑春三月拜江南
行中書省參知政事秋七月從

上取安慶破江州回守龍灣冬十有一月張士誠出兵寇長興

上時駐九江聞報還京師命王往援士誠兵敗俘殺五千餘人壬
寅春修安慶城羅友賢構亂據池州神山寨將與士誠通抗欽震
動命王往攻之癸卯春正月擒斬羅友賢餘黨悉平三月張士誠
遣兵圍劉福通於安豐王從

上擊之將戰王突入其陣三戰三勝敵兵大敗而去俘獲士馬無
算遂同徐公圍廬州凡三月城將下適陳友諒攻南昌王解圍而
還秋七月從

上率諸將往援八月遇友諒於彭蠡湖之康郎山王與之聯舟大
戰呼聲動天地無不一當百縱火焚僞平章舟鳳急火熾十里之間

湖水盡赤敵將張定邊素號梟獍奮前迎戰王射之定邊中矢走
友諒乃退保鞋山諸將以友諒兵尚強請縱其去王獨不言及我
師出湖口皆言江流湍急欲放舟而下

上知其情命以舟扼上流王應之諸將乃避流而上舟蔽江面控
湖口者旬有五日友諒軍食乏出江求戰王遣火舟火筏禦之敵
兵奔潰追北數十里與之酣戰自辰至未不解

上所乘舟及王舟皆膠於沙王既脫御舟而已舟波圍復力戰
而脫於是友諒中流矢死士卒十萬皆降未幾其臣立友諒之子
理於武昌冬十月王帥師討之四面合圍甲辰春二月理銜壁出
降荆湖之地望風皆附陞中書平章政事秋七月從徐公取廬州
八月遂自將兵平臨江之沙坑麻領十洞牛陂諸寨進取贛州乙
巳春正月克之悉定南安南雄韶州夏五月還兵取安陸襄陽冬

十月從徐公克泰州丙午春二月復從克高郵夏四月淮安濠泗
徐宿安豐皆下秋八月諸將攻浙西師次太湖偽萬戶尹義等逆
戰王擒之直趨湖州之毗山與敵兵水陸鏖戰敵兵大潰遂抵城
下塞其四門晝夜環攻之偽丞相張士信悉發境內兵為援屯於
舊館出我師之背王統奇兵由大金港入結營東陲復出敵背且
填壅溝港絕其歸路士誠知事急親出兵拒國王一鼓勝之士誠
復遣其將徐義統赤龍船親軍來後王復擊敗於烏鎮冬十月舊
館降得兵六萬十有一月湖州亦下遂進圍平江可未圍之益急
士誠收合餘燼猶背城百戰降其將士且盡秋九月始克之縛士
誠來獻籍其兵二十有五萬乃加授中書平章軍國重事疏封鄂
國進爵上公冬十月復授征虜副將軍同徐公奉命北伐戊申春
正月

上卽皇帝位國號大明改元洪武王與徐公下山東諸郡遂攻
汴梁守臣李真遁進攻河南敵兵五萬屯于洛水之北將出迎
戰王布陣既定單騎執弓矢衝入其隙敵發二十騎擣槊刺王
一箭中其前鋒大呼殺入悉獲其衆而河南諸城先後皆平
上幸汴京謀取燕都秋七月徐公與王渡大河河北諸郡及辛八
月二日燕都不戰而克元君北奔師次大原其守將廓帖木兒
帥衆來禦其鋒銳甚王與徐公謀曰我騎兵雖集而步卒未至何
以能戰莫若遣精騎夜劫其營其衆可亂衆亂主將可縛也徐公
如王言廓帖木兒果中傷而遁己酉春正月進攻米同竹真棄
城走河東又平遂西入秦張良弼遁李思齊迎降奉先鳳翔鞏昌
臨洮又平夏五月元將也速魯該通州有旨命王以所部軍東
還拒之遂擣永平過惠州獲延慶清士馬以千計至太寧也速遁

破開平元君又北奔追至北河得其宗王三人及平章鼎住等凡
得軍士萬人車萬兩馬三千牛五萬全師還燕次柳河川得疾而
薨享年僅四十爾王之爲人守謙而不矜有功而無過運籌決勝
之方不學而能其從大將軍東征西伐而能遵守節制及其自將
兵則所至無不克捷由其智識明而材力雄故施之各得其宜嗚
呼若王者可謂開國之殊勳者矣王之曾大父四三府君累贈銀
青榮祿大夫上柱國中書平章政事追封開平王諡莊簡妣張氏
追封開平王夫人大父重五府君累贈儀同三司上柱國少保中
書平章政事追封開平王諡安穆妣陳氏追封開平王夫人父六
六府君累贈開府儀同三司上柱國太保中書右丞相追封開平
王諡靖懿妣高氏追封開平王夫人妻定遠藍氏封開平王夫人
子男三人曰茂曰昇曰森皆

上所賜名女三人長許爲

皇太子妃餘皆幼臣濂聞之昔日唐太宗起義兵而定天下當時有蔚遲恭者棄劉武周仗劍來從其後輔成唐業而恭之功爲多於是生有鄂國之封歿有忠武之謚今王之功非恭所可及上之所以遇王者封謚與之雖同而其王爵之加恩數優渥揆之于唐誠又過之史臣所謂君臣相遇千載一時者豈不異世而同符也哉是宜銘諸貞石傳之千萬世一以昭

聖天子垂念功臣如此之至一以著王之勲烈於不朽云爾銘曰聖皇開天豪傑四從龍興而雲虎嘯而風義旗所指山嶽震動颺馳霆春孰不神竦維忠武王其氣至剛仗劍來從飛渡大江無堅不摧無敵不碎席卷長驅易如拾芥平吳定越帖荆撫淮威聲所加小大畢來齊魯旣寧汴洛亦定直指幽燕不戰而勝元君遠逝

六軍倒戈本根旣撥何有條柯乃收晉冀乃清秦隴乃徇遼海人百其勇茫茫朔漠灤河所經誓將剗滌邊塵弗驚王之忠精上貫天日燁其有光亘古不沒幅員之廣漢唐莫過馬蹄所及王功爲多十五年間百戰百捷備殫勤勞光輔

帝業翊運之勲靖遠之威在古或罕于今見之大功垂成王忽長逝

當寧輿哀如失一臂爰加 恩寵用錫王封衮衣繡裳照耀泉宮天子曰噫未慊朕志其推爾爵上褒三世死生哀榮孰可比焉王雖云歿生氣凜然鍾山之陰隧道有石詞臣勒銘垂示千億

大明勅賜榮祿大夫同知大都督府事兼 太子右率府使贈推忠翊運宣力懷遠功臣光祿大夫湖廣等處行中書省平章政事柱國追封蘄國公謚武義康公神道碑銘

皇帝即位之三載混一華夷聲教所被罔間遐邇梯山航海奉贄獻琛

上念能罷之士不二心之臣東征西伐宣勞有年方將胙土分茅以定功賞而都督康公薨于陝州

上聞之嗟悼不已既勅有司穿土作室以寧體魄復欲昭其功勳於悠久 詔翰林學士臣宋濂稽諸簡牘所書文於堅石以垂示

於億萬載臣濂謹按公諱茂才字壽卿康其姓也世為蘄州人曾祖文廣 皇贈中奉大夫中書叅知政事護國追封京兆郡公祖

德懋 皇贈資善大夫中書右丞上護軍追封京兆郡公父壽 皇贈榮祿大夫同知大都督府事柱國追封蘄國公母蕭氏追封

蘄國夫人公當元之季四方雲擾未幾蘄州陷公結義旅以捍敵

為務授以長官俄遷為鎮府同諸將復九江擣蘄水黃連寨轉蘄州路同知總管府事屯戍和之俗谿太平之采石使者考其功狀

陞淮西宣慰副使同知元帥府事又陞宣慰使都元帥歲乙未六月

上帥師渡江將士家屬尚留于臨濠陣人多效死於是數戰不克後數月常忠武王遇春遣遊兵虛撓之公連日發軍以應王度其

力疲夜設伏兵質明殲其精銳殆盡然猶收合潰散堅寨於天寧洲明年二月

上命諸將以襄陽大砲破其寨公奔行臺便宜陞淮南行省叅知政事南踰月

上亦克金陵又奔京口舟師追及之公度天命有歸乃率所部餘兵三千解甲來附免冠頓首言前日之戰各為其主今日屢敗天

六月

數也事至於此死生唯命苟得生全尚竭犬馬之方以圖報效
上笑而釋之仍許統所部兵從征又明年授秦淮翼水軍元帥守
禦龍灣取江陰之馬馱沙八月僞吳張士誠犯我疆境公驅兵逐
之獲其樓船人

上賜名馬一匹黃金一錠歲戊戌從廖楚公永安救池州取趙雙
刀之檄陽遷都水營田使兼帳前總制親兵左都指揮使明年八
月攻皖城僞將率樓船出戰公復獲之又明年六月僞漢陳友諒
傾國入寇攻陷我姑孰殺戮我吏民意將窺我南京

上召公謂曰爾不疑我乎公復頓首謝

上曰汝既不相疑宜作書遣使僞降友諒為內應招之速來沒給
告以虛實使分兵三道以弱其勢友諒果如所言既至諸將同公
奮輕太破之縛其士卒二苗四有幣帛白金之賜歲辛丑八月

上怒友諒來寇率將士親征公領舟師行擊安慶破江州僞都友
諒西遁遂下蘄州興國漢陽公沿流而下克黃梅某家寨十一月
取江之瑞昌敗友諒八陣指揮友諒之勢遂衰遷帳前親兵副都
指揮使明年九月復龍興又明年攻左君弼於廬州四月友諒圍
龍興

上親往援公與諸將皆從友諒聞

上至亟解圍還七月大戰於彭蠡湖軍聲嘯呼湖水為之起立浮
屍蠢蠢動至數千里友諒遂至敗亡又有幣帛之賜十月

上親征武昌公從之歲甲辰二月下之友諒之子理銜壁出降三
月進金吾侍衛親軍都護府副都護四月從大將軍徐公達攻
廬州七月下之八月拔安豐繼取江陵及湖南諸州加賜幣帛明
年二月改神武衛指揮使五月進大都督府副使閏十月士誠兵

犯江陰京口

上帥大軍水陸竝進公在行中及至鎮江士誠兵已遁又明年正月追至巫子門擊敗其眾獲士卒二千公功爲多四月擣淮安之馬邏港拔其水寨復獲士卒與艘艘無算淮安平七月遂攻湖州十一月破之進逼姑蘇姑蘇士誠僞都卽遣銳卒來迎鬪大戰尹山橋公持戟督戰益力銳卒盡覆乃進圍齊門刀劍林立飛鳥不敢下大將軍命諸將合攻之吳元年九月姑蘇平公取無錫州十月陞同知大都督府事兼太子右率府使進階榮祿大夫洪武元年

上以江南之地旣入版圖乃遣大將軍經畧中原公從齊魯之地復由黃河取汴梁下洛陽駐師陝州規運饋餉造浮橋以渡大軍鎮河中善撫綏遺民爲之立石頌德絳解二州則公所招徠蔽遮

潼關秦人不敢東向三年復從大將軍征漢中奉詔還軍中道

因疾而薨嘗八月之三日也年五十有七上下羣臣議贈六推忠翊運宣力懷遠功臣光祿大夫湖廣等處行中書省平章政事柱國追封蘄國公諡曰武義卜以九月二十一日葬於應天府上元縣鍾山鄉之墓府山

上親臨奠而百司繼之祭幄相望聯絡原野時人以其爲榮公娶方氏追封蘄國夫人繼室田氏封蘄國夫人側室朱氏俞氏子男三人鐸田氏出縵朱氏出鎮余氏出公通經史大義事太夫人以孝聞輕財仗義意氣磊落而尤有志於事功值元祚將終其才弗克盡施然而

直主龍飛於羣龍之中公卽能識之卷甲韜戈率眾臣附坦然而不惑可謂上知天命下察人心百矣由是昭被寵眷倍之以心管

用之為爪牙十餘年間屢從征討茂績奇勳著稱當世存則安富
尊榮加以爵位薨則號封賜謚賈及九泉令名垂於竹帛重祿延
於子孫公其可以不朽矣臣廉謹拜手稽首述辭於碑系之以銘
深懼不足以稱

上報功之意銘曰

於赫

大明受命于天如日之升照于八埏其于時康公泣險之恃大軍
西來視如平地其巨礮轟雷物莫敢撓何戰弗潰何守弗傾其天
人攸歸勢何敢抗知幾先來率衆內嚮

皇帝曰嘻有附匪疏予開誠心遇爾不疑其爾礪不疑爾部士卒
助予四方以寧萬國其公拜稽首賜死為生誓殫報効如無餘齡
其執不為庭率師往討矯如如風馳電掃其東吳西楚賊陳儻

張身經百戰兇豎始亡其大將北伐同取汴洛出鎮于淮其孤

弱十敵遮河潼以義為關誰敢操戈睥睨其間其十玄龜負碑以

頌遺愛民亦何心恩義斯在其十從伐漢中迢迢西征有

命班師中道而薨其十

帝念將臣血戰之苦將酬其勲錫以茅土其十孰不壽考以樂承

平公胡嬰疾憤臯泉尙琪其十

帝情憫悼恩命絡繹穿山為堂畢茲管窆其十名垂於史祿死於

家翻然而逝公復何嗟琪其十史臣述文大書深刻以昭公勲有求

無極其十

皇明文衡卷之七十

神道碑

巢國華武莊公神道碑

宋濂

自古興王之際天既生真人極民塗炭之中必有如虎之將
 弘展其不猷弼成其大業此如燭照而龜卜蓋無疑者以漢
 唐言之則雲臺二十八將凌煙閣二十四人是已洪惟
 皇帝當四海逐鹿之秋龍飛淮甸嘘陽吸陰反掌之間廓清
 八極夷荒蠻檄罔不臣妾當是時謀臣猛士效忠宣力其衆
 如雲若和陽華公亦其一人也歟公諱高姓華氏字則未聞
 所謂和陽則其所居之郡也曾大父汝德贈中奉大夫湖廣
 等處行中書省叅知政事護軍追封武陵郡公曾祖妣張氏
 追封武陵郡夫人大父某贈資善大夫湖廣等處行中書省

